



Inatsisartunut ilaasortaq
Hans Enoksen
Naleraq

09-06-2022
Sags nr. 2022 - 12329
Akt. id. 20337020

§ 37 naapertorlugu nr. 107 – 2022-mut ulluinnarni nioqqutissanut akit pillugit apeqqutinut akissuteqaat

Postboks 260
3900 Nuuk
Tlf. (+299) 34 50 00
Fax (+299) 34 63 64
E-mail: isn@nanoq.gl
www.naalakkersuisut.gl

Asasara Hans Enoksen

Qujanaq apeqqutinut. Apeqqutit ataasiakkaarlugit allanneqarput, kingornatigullu akissutai.

1. Suliffissaaleqinermi ikiorsiissutit ulluinnarni nioqqutissanut inuussutissanut akit eqqarsaatigalugit naleqqussaasoqarniarpaat?

Suliffissaaleqinermi ikiorsiissutit pillugit Inatsisartut inatsisaanni suliffissaaleqinermi ikiorsiissutit amerlassusaat aalajangigaapput. Amerlassusaat naatsorsorneqartarpoq SIK-mi ilinniarsimanngitsunut nalunaaquttap akunneranut minnerpaatut akissarsiat 90%-iattut.

a) Ulluinnarni nioqqutissat akitsoriartuinnartut eqqarsaatigalugit. Naalakkersuisut qanoq eqqarsarpat?

Ulluinnarni nioqqutissanut akit qaffakkiartornerat Naalakkersuisut ilungersunartutut isigaat, taakkulu ataavartumik alapernaanniarpaat akit qaffakkiartornerisa kingunerisaanik ajornartorsiutinut piareersimajumallutik, pingaartumik inuiaqatigiit ilaannut ajornerpaamik eqqugaasussat eqqarsaatigalugit. Naalakkersuisut ajoraluartumik nassuerutigisariaqarpaat, akit qaffakkiartorneri maannakkut siunissamilu nunarsuarmi tamarmi ajornartorsiutaanissaat aqukkuminaattoq. Ukrainemi sorsunnerup kiisalu coronap nunarsuaq tamakkerlugu tuniluunnerata nalaani nunarsuarmi aningaasaqarnikkut suliniutit kinguneri, taakkuupput suliffissuaqarnermi akinik sunniisut, ilaatigut nerisassanik nioqqutissionermi. Piviusoq Naalakkersuisut maannakkut siunissamilu sulinerminni ilaatitassaat.

Aningaasat naleerukkiartornerat

Kalaallit Nunaanni aningaasat naleerukkiartornerat suli annikippoq – uuttuineq kingullerpaaq tassaavoq 0,2 %. EU-mi aningaasat naleerukkiartornerat 7,5 %-iuvoq USA-milu 8,5 %-iulluni.

EU-mi USA-milu aningaasat naleerukkiartornerat marlunnik pissuteqarpoq:

ilaatigut Ruslandip Ukrainellu akornanni sorsunneq, nunarsuarmi nerisassanik nioqqutissat aamma nukissamik akit qaffannerannik kinguneqartoq, ilaatigullu Covid-19-imik nunarsuaq tamakkerlugu tuniluunneranut atatillugu, nunarsuarmi aningaasaqarnikkut annertuumik tapiissuteqarfigineqartoq, nioqqutissanik annertuumik piumasaqarnermut aningaasaqarnerup ilaani malinnaasinnaaunnaarneq.

Naliliiffigineqarpoq, Kalaallit Nunaanni aningaasat naleerukkiartornerat piffissap sivikitsuinnaap ingerlanerani qaffakkumaartoq.



Aningaasat naleerukkiartornerat utaqqiisaagallartuinnaaneranut takussutissaqarsinnaavoq, pissutaasut marluk pingaarnerit pissutigalugit; Ruslandip Ukrainellu akornanni sorsunneq pillugu neriutiginneqarmat sivikitsuinnaassasoq, kiisalu covid-19-ip nassatarisaanik aningaasaqarnikkut kingunerisai annerpaat qaangiummata.

Isumaginninnermi ikiorsiissutit naleqassusaannut atatillugu aningaasat naleerukkiartornerat immikkut eqqumaffigineqarpoq. Taamaattumik ersissutigineqarsinnaavoq isumaginninnermi ikiorsiissutit pisissutaasinnaanerat millissasoq akit qaffappata. Pissutsit tamakku isigineqassapput, pingaartumik pissutigalugit:

Isumaginninnermi ikiorsiissutit amerlanerpaat iluarsiivigineqartarmata imaluunniit SIK-p akissarsiarititai miinnerpaat ilaanneersuullutik, taamaattumik piffissap ingerlanerani aningaasat nalikilliariornerat malissallugit. Naatsorsutigineqarpoq iluarsiissutit SIK-llu akissarsiarititai minnerpaat inuiaqatigiinni aningaasaqarnermi akissarsiat ineriartornerat malissagaat, tamassumalu aningaasaqarnermi nioqutissiornerup ineriartorneranut takussutissaammata, aningaasat naleerukkiartornerannit pisissutaasinnaanerat millisissanngilaa. Taamaalilluni isertitakitsut isumaginninnermi ikiorsiissutinik pisartagaqartut eqqarsaatigalugit aningaasat naleerukkiartornerat qaffasikkaluartoq aningaasat pisussutaasinnaanerat millisissanngilaat.

Taamaattoq akissarsiat akinut naleqqiullugit qaffannerat arriinnerusarpoq, taamaasilluni akissarsiat qaffannerat aningaasat naleerukkiartorneranut sanilliullugu kingaannerusarlutik.

Taamaattumik taarsiissuteqarsinnaaneq pinnginnerani makkua naammassineqaaqqaartariaqarput:

1. Kalaallit Nunaanni aningaasat naleerukkiartornerat qaffattariaqarpoq (uuttuineq kingullerpaaq tassaavoq 0,2 %)
2. aningaasat naleerukkiartornerat utaqqiisaagallartuinnarmik pineqanngitsaq takussutissaqartariaqarpoq
3. Iluarsiissutit annertussusaat aningaasat naleerukkiartornerat ingerlaqatigissanngilaat

2. Nalunngilarput ikiorsiinnermi kommunit akisussaasuusut, kommunit ikiorsiissutit qaffannissaannut akinut tunngasunik aaqqiiniaqatiginissaannut qanoq Naalakkersuisut suleqataanissaminnut eqqarsarpat?

Tak. apeqquummut 1a-mut akissut.

3. Ulluinnarni inuuniarnikkut inuussutissat eqqarsaatigalugit akit qaffakkiartuinnartut eqqarsaatigalugit inuit isertitakinnerusut soorlu suliffissaqannginnermi ikiorsiissutinik atuisut tigusartagaat immikkut isigalugit pitsanngorsarniarneqarpat?

Tak. apeqquummut 1-imut aamma 1a-mut akissutit.

Inussiarnersumik inuulluaqqusillunga

Jess Svane